

醫
酉
然
三
脈
全
書

類證活人書目錄

閩間無求子林慕莪山人著述

卷一

中風

卷二

中寒

中暑

卷三

濕門

燥門

卷四

火門

卷五

氣門

卷六

血門

卷七

痰飲

鬱門

發熱

惡寒

卷八

冒風

咳嗽

喘門

卷九

內傷

癰疽

卷十

痢門

卷十一

疽門

水腫

膨脹

卷十二

積聚

卷十三

脾胃

泄瀉

傷食

霍亂

卷十四

嘔吐噦

番胃

噎膈

卷十五

痞滿

惡心

中酸

嘈雜

呃門

噯氣

頭痛

頭風

眩暈

卷十六

心胃痛

腹痛

脇痛

卷十七

腰痛

疝氣

脚氣

卷十八

痛風

斑疹

癘風

腸風

脫肛

卷十九

癰症

癩症

怔忡

卷二十

淋濁

瘰癧

痿門

卷二十一

厥門

痺門

虛損

卷二十二

癰瘰

三消

汗門

遺滑

類證活人書卷七

無求子著

痰飲門

痰飲之脉 浮大而滑者爲風痰濡軟而滑者爲濕痰

中
章
館

沉緊而滑者爲寒痰洪數而滑者爲火痰沉實而滑

者爲食積痰沉微細弱而無神者爲氣虛痰空弦細

細

數而無力者爲血虛痰浮濡按之無力而兩尺不應

者爲水泛爲痰空大按之無力而六脉相類者爲陰

火冲逆而生痰若飲之爲脉則當沉滑有力或兼弦

細而滑者爲是再審諸脉現於上中下之何部五臟六腑之何經并知痰之起伏根源則更不難于窮治矣

飲之形証 夫飲者較痰則散薄而多比水則微稠而粘其形彷彿似湯飲之類其色亦有黑綠清濁不同而所處之地則又有高下隱顯之不一古人因釋而名之曰五飲焉

溢飲者滿而溢之其飲積于胃家三腕之間上腕則數日中腕則彌月下腕則數月或以地之遠近爲嘔吐

之期或以氣之虛實爲舉發之數大約盈滿則有覆
溢之象吐則傾倒而後已

懸飲者虛懸無著流行不定之義其飲在六腑及脉絡
關節隧道之中隨氣之上下出入爲害于所經之處
而難跡其踪發必頭眩項強肩背爲痛脇背前後隱
隱脹悶腰脊痠疼脛脚腫墜而痛處微腫遷轉不定
治亦隨其上下而攻逐之

支飲者乃分支別條之謂猶之江漢之有支流小港無
一非此水之灌注其飲之於人旁通曲引滲入周身

胸脇腰背經絡脉道之中比懸飲無二但無流走不定之患而痛處始終不移其害或上下左右牽引而痛或窘迫而痛或因寒而痛或因熱而痛或乍寒乍熱有似外感治以疎散分濬之劑

伏飲者猶濟水之伏流行于地中而不見其飲伏匿于臟腑之募原脉絡之隱曲及關節空隙之處爲疼痛爲麻痺不仁或腫或脹而行走不利坐臥不安一時藥力難到不能速効以重劑利之

留飲者積而不溢者也居于腸胃之外空隙之處中下

二焦轉轉有聲爲嘔惡吐酸痞滿泄瀉蓋其地寬轉
能容非若胃之易滿而覆溢可指日以待也

五飲治法

蓋致飲之因總不外於脾胃之營氣先虧

不能健運而肺復不足失于輸化而成爲患之形受
害之處各有不同而飲則一也後方止于調氣爲主
化痰爲輔審其形証之所屬爲之加減以分治之若
拔本澄源之法則更有丸散以備採用

五飲主方

茯苓

錢三

製半夏

錢二

廣橘紅

錢五

車前子

嫩桑皮各一錢 前胡五錢

生薑一片

水煎午前後服

飲卽水類茯苓濬水而能降氣故爲君半夏燥濕利
痰爲臣橘紅佐桑皮調和脾肺之氣使有所統運車
前佐茯苓分利水道所謂引而決之前胡之辛消痰
下氣生薑溫能治嘔辛能豁痰此爲通治痰飲之方
後分五飲加減之法

溢飲病在中脘專責于脾胃加白朮一錢五分以培營
氣而固本以枳實之苦辛利氣逐痰去前胡不用

懸飲流走不定在上部加天麻二錢佐荆芥甘菊以省
風豁痰去桑皮不用 如在下部加澤瀉一錢車前
五分分消水氣從下而去苡仁二錢甘平益脾保肺
力能去濕消腫理脚氣舒筋骨去前胡不用

支飲加前胡一錢搜肝膽之風痰柴胡一錢宣通氣血
開鬱清火治寒熱往來止周身諸痛更除飲食痰水
結聚白芥子一錢辛熱能散肺胃之寒痰積飲凡痰
匿脇下及皮裏膜外非此不達

伏飲者隱匿于至陰之處兼風濕而閉固不通苟非氣

味辛溫濃厚之藥力不能至加前胡一錢專去風痰
羌活一錢入經絡而理遊風理周身諸痛手足不隨
麻痺不仁蒼朮一錢五分發汗而祛寒燥濕下氣而
消痰濬水開鬱舒腫止嘔住瀉去桑皮不用

留飲乃停留結聚之義以白朮二錢爲臣蒼朮一錢爲
佐專于健運轉導而釋滯破結更加防風燥濕行痰
此五症加減之大槩若初病而精神血氣猶旺者照
此用之如病久元氣衰憊形神虛萎飲食不甘脾胃
泄瀉無論五症必加人參二錢白朮三錢以培元氣

兼于治飲倘下元虛冷則桂附乾薑亦所不免蓋辛

溫總屬治痰行氣之要藥自在醫者用之適當耳

導痰丸 治停痰積飲隱僻難除猶賊之盤踞巢穴艱

于勦捕當稱形神壯健正氣未衰以此導利肅清源

流卽前論中所謂稠者澄而清之之義也

黑丑

三兩

枳實

橘紅

各一兩五錢

朴硝

三錢

生礬

枯礬

各二錢五分

牙皂

一錢五分

濃蘿蔔汁丸芥子大早空心薑湯吞服一錢

神祐丸 治積水成飲內壅腸胃輾輾有聲逆上則否

滿嘔惡咳嗽喘急外溢皮膚分肉則腫脹疼痛痠麻
不仁滯下則窘迫而痛泄利不暢隨氣流注或輕或
劇早用此丸分導以折汎濫之勢亦所謂下者引而
竭之也

甘遂

醋煮

大戟

醋煮

芫花

醋煮各五錢

黑白丑

生大黃

各一兩

滴水丸菉豆大早空心薑湯吞服三

五十丸

瓜蒂散

肺胃氣虛失其遊溢宣布通調轉導之職致

水飲壅蔽上中二焦氣道爲之不利飲食阻隔喘急